

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
SARAJEVO

Broj: 01-444/16
Sarajevo, 07. 11. 2016. godine

Na osnovu čl. 64., 66. i 69. Zakona o unutrašnjim poslovima Kantona Sarajevo („Službene novine Kantona Sarajevo“, broj: 1/16) i čl. 4., 5., 6. i 7. Pravilnika o uvjetima za imenovanje i razrješenje članova Odbora za žalbe javnosti („Službene novine Kantona Sarajevo“, broj: 43/16) Ministarstvo unutrašnjih poslova Kantona Sarajevo, **r a s p i s u j e**

JAVNI KONKURS

za imenovanje Odbora za žalbe javnosti, i to:

- 1. Predsjedavajućeg Odbora – izvršilac 1**
- 2. Člana Odbora – izvršilaca 2**

Sastav Odbora:

Odbor za žalbe javnosti je nezavisno tijelo Skupštine Kantona Sarajevo, koje čine tri člana, od kojih je jedan predsjedavajući. Članovi Odbora trebaju biti ugledne osobe sa visokom stručnom spremom i biraju se iz reda istaknutih stručnjaka iz oblasti pravnih ili drugih društvenih nauka. Jedan član Odbora je državni službenik kantonalnih organa uprave, a dva člana su predstavnici građana, od kojih je jedan predsjedavajući Odbora. Sastav odbora odražava nacionalni sastav stanovništva na teritoriji koju obuhvata Kanton Sarajevo prema popisu stanovništva iz 1991. godine, te će se voditi računa o spolnoj zastupljenosti.

Uvjeti za imenovanje:

- a) da je državljanin Bosne i Hercegovine
- b) da nije član nekog drugog odbora ili tijela za žalbe građana u nekoj drugoj policijskoj agenciji ili instituciji,
- c) da nije član političke stranke,
- d) da u posljednje četiri godine nije bio na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke,
- e) da nije osuđen za krivično djelo,
- f) da se protiv njega ne vodi krivični postupak i
- g) da mu nije izrečena disciplinska sankcija za težu povredu službene dužnosti,
- h) najmanje pet godina radnog staža nakon sticanja visoke školske spreme (za članove Odbora)
- i) najmanje 10 godina radnog iskustva na pravnim poslovima nakon sticanja visoke školske spreme (za predsjedavajućeg Odbora)

Uvjete iz tač. e) i f) po službenoj dužnosti utvrđuje posebna komisija Ministarstva unutrašnjih poslova Kantona Sarajevo koju formira ministar.

Nadležnosti Odbora:

Nadležnosti Odbora za žalbe javnosti propisane su Zakonom o unutrašnjim poslovima Kantona Sarajevo („Službene novine Kantona Sarajevo“, broj: 1/16) i Pravilnikom o uvjetima za imenovanje i razrješenje članova Odbora za žalbe javnosti („Službene novine Kantona Sarajevo“, broj: 43/16).

Dokazi o ispunjavanju uvjeta:

U svrhu dokaza o ispunjavanju uvjeta za imenovanje na poziciju predsjedavajućeg i članova Odbora za žalbe javnosti, uz prijavu sa kraćom biografijom, kandidati su dužni priložiti sljedeća dokumenta (original ili ovjerene kopije):

- uvjerenje o državljanstvu BiH (ne starije od šest mjeseci),
- uvjerenje ili ovjerena izjava data kod nadležnog organa da nije član nekog drugog odbora ili tijela za žalbe građana u nekoj drugoj policijskoj agenciji ili instituciji,
- ovjerena izjava data kod nadležnog organa, kojom potvrđuje da nije član bilo koje političke stranke,
- ovjerena izjava data kod nadležnog organa da u posljednje četiri godine nije bio na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke,
- uvjerenje ili ovjerena izjava data kod nadležnog organa da kandidatu nije izrečena disciplinska sankcija za težu povredu službene dužnosti,
- diploma o visokoj stručnoj spremi iz pravnih ili drugih društvenih nauka za članove Odbora, odnosno diplomu o visokoj stručnoj spremi iz pravnih nauka za predsjedavajućeg Odbora (nostrificirana diploma, ukoliko fakultet nije završen u Bosni i Hercegovini ili je diploma stečena u nekoj od država nastaloj raspadom SFRJ nakon 06.04.1992. godine),
- uvjerenje o radnom stažu u visokoj školskoj spremi (za člana Odbora najmanje pet godina, a za predsjedavajućeg Odbora najmanje deset godina na pravnim poslovima),
- saglasnost (ovjerena od strane nadležnog organa) da organ uprave po službenoj dužnosti pribavi uvjerenje da nije osuđen za krivično djelo i uvjerenje da se protiv kandidata ne vodi krivični postupak, a izuzetno, kandidati za koje nije moguće po službenoj dužnosti pribaviti navedena uvjerenja će biti posebno kontaktirani u cilju pribavljanja istih i
- uvjerenje ili ovjerena izjava data u nadležnom organu da nisu u statusu državnih službenika (predstavnicima građana), odnosno dokaz da jeste u statusu državnog službenika (kandidat - državni službenik kantonalnih organa uprave).

Mandat članova Odbora:

Odbor se imenuje na mandatni period od četiri godine.

Prijave sa traženom dokumentacijom (dokazima) mogu se predati neposredno putem Pisarnice Ministarstvu unutrašnjih poslova Kantona Sarajevo ili dostaviti preporučeno poštom na adresu:

Ministarstvo unutrašnjih poslova Kantona Sarajevo
Ul. La Benevolencije broj 16.
71000 S a r a j e v o
sa naznakom: „Za javni konkurs - Odbor za žalbe javnosti“

Na koverti navesti ime i prezime podnosioca prijave, mjesto i adresu stanovanja.

Rok za podnošenje prijava na Konkurs je 15 dana od dana objavljivanja u dnevnim listovima.

Nepotpune, neuredne i neblagovremene prijave neće se uzimati u razmatranje.

Kandidatima koji ne budu izabrani, dokumentacija se neće vraćati osim na lični zahtjev kandidata.

Ministarstvo unutrašnjih poslova Kantona Sarajevo zadržava pravo izmjene ili poništenja javnog konkursa.

